

皇明詞林人物考

題詞林人物考

論人之著作如相家觀人
得其神而後形色氣骨可
得而知也古之摘詞者不
在形體結構在末有形體
之先其見於言者托耳若

索諸裁文匠筆聲應律合
即盡叶於古皆法之迹也
安知其所以法哉友人王
赤岡氏耽玩執文錯綜今
古乃取

昭代詞家人爲之傳以爲

不得其神未可論其法不
知其人未有能得其神在
也其一誦讀書而論其世
之遺意欽王僧虔論書或
其人可想或其法可存皆
所不廢亦罔之多所據撫

殆亦類此宋人好爲覈論
然三體詩至以杜常爲唐
人洪容齋博雅名家所進
萬首絕句宋詩攬入者什
居二三彼其世之不知而
何以論於神形離合之

然則是編也固通今學古
之津筏微獨修詞者所當
知而已

萬曆甲辰夏日澹園居士
焦竑書

皇明詞林人物考敘

南新市人李維楨撰

夫所謂詞林者不越經史子集
四部矣經自孔子沒而稱經者
與僭王同罪史至范陳子至楊
王升降汗隆古今人迹不相及

獨集代有其人今不必遜古耳
集之名晚出而其用視經子史
為最繁其體視經子史亦無不
有以其用繁也故不必能為經
子史者而後作以其體具也故
非能為經史子者雖有作無得

而稱焉非能經史子者不可作
而詞人因以自豪竒之為口代
天言尊之為不朽大業凌厲一
時而傲睨千古不必能經史子
者輒有作而詞人因以蒙譏羞
之為小技仇之為綺語障鏤冰

畫脂無當於用色
施澤蠟巧偽
叢生河汾氏評文人有纖有夸
有鄙有貪有淺有詭甚且犯天
下之大不韙豈詞不足訖談之
吻免笑之齒冷怒之髮指則柰
何詞林之不為世詒病也友人

王元禎之言曰經史子集外無
詞經子史外無集經外無子史
易詩書禮樂春秋經也而史與
子在焉論語子也而經與史在
焉孔子集大成生民以來未有
也以孔子繩人其誰可者然而

舍孔子之道何以上下詞林孔子曰詞達而已矣理不達奚以詞為吾讀其詞安得不質諸理孔子曰脩詞立其誠所以居業也誠不立業將何居吾讀其詞安得不考其人孔子曰詞之不

可以已也君子不以人廢言吾
知其人安得而置其詞詞有當
於經子史之理者亟收之理不
甚醖而似經子史之詞者並收
之理與詞合而其人生平與詞
合亟收之生平行事不必如其

詞亦收之於是采明興二百餘
年諸家之集列於詞林者自王
公大人以及田野布衣盡人矣
其集或不傳而殘篇斷簡片言
隻字雖微必錄盡詞矣已復覈
其生平行實國史家乘鄉評里

謹叅伍求之瑕瑜不以相掩訕
定必以沒世盡人與詞矣以孔
子之徵文獻而尊周也故斷自
明興不及他朝書成而名之曰
詞林人物考不佞三復之而重
有感也三代而下經史子故不

易作復不恒作而詞林壹歸於
集濫惡日滋甚識者每思付諸
秦火是考行而天下後世修辭
者懼元禎之核其實也必會通
經史子之文成一家言而不敢
鹵莽滅裂襲取以欺人懼元禎

之論其世也必循經史子之理

學焉而各得其性之所近而不

敢自貽玷缺為通人所指議昔

者孔子四科文學言語與德行

政事各效其長今詞林四部集

與經子史各詣其盛合固雙美

言木ノナニ
離不兩傷彼一隅之士分畛域
立門戶者喪然自失孜孜然學
如不及有功於詞林宏矣不佞
非能詞者也而竊為詞林樂有
此舉故不憚授簡而為之敘其
凡十有四條具在編首

詞林人物考

凡例

一誦其詩讀其書不知其人可乎是以取其生平履歷輯爲是集然採取先後隨筆短長殊無定體總之欲其便考云爾固不以文之短長而短長之也

一諸公傳記如間有名人撰著者惟芟其浮冗至於事實多仍其舊不敢妄更卽有疑事亦姑闕之夏五郭公尼父且然矣

一身後文章昔有是語蓋人生平造詣至末路而始定今所錄者皆屬已往其見存宗匠槩不敢及且恐近於諛也

一是集原爲詞林而設故諸公有詩文兼優者有偏師獨詣者皆在所收此外或以功業或以節義或以高隱自有操如椽者紀之彼固不藉詞章爲重是集亦不敢藉彼爲重也

一諸公原無論撰者今徧訪其生平補之生平又無大稱述者掇拾其警句傳之其履歷

而著作又富者惟標其書目無庸摘取也

一理學家目文藻爲末技詞章家又目理學爲迂庸皆非篤論也今集於理學而兼文藻者亟錄之庶幾爲有德有言之一驗云

一諸名公已膺易名之典者卽稱其謚其他俱以字蓋詞林中舊體如是也字無可考者方稱號與名

一不佞生旣晚且僻處一隅卽杖頭所至亦未能遍及寰區固亦有聞其人無從槩見其生

平者不敢妄爲演述遺漏尚多是以人自爲
篇以便叅補詰胤與洽聞之士願毋吝郵筒
一選詩者例及方外閨中茲集在述生平履歷
二者皆無可稽述是以闕之

一鳳洲先生筆記與卮言雖間有採取然皆存
其褒詡者不敢盡錄其彈射者蓋先生掌一
代詞林衡鑑故不得不直其筆不佞後生末
學意惟在揚善耳他書採取亦然

一集中據所得隨手纂輯或因其相傳家世

因其結社同時是以於仕路科分亦未之
拘也至於山人之流無科分可敘次者惟各
因其時附入之而已

一德行言語在聖門已自分途今編惟取其言
語之長故中亦有不以人廢言者幸勿謂爲
硃碣之溷也

一天潢之派雖例絕私交顧茲右文之代東平
河間斌斌朱邸安可無傳乎但未由得其生
平爾

言木ノ外ニ
一不腆邑在三楚號稱文獻頗多作者但家乘
野史尚缺而未備倘採錄不該或至去取之
疑是以槩不敢收補足之責屬之後來君子
一遺漏有不便參入者則立爲補遺一款於末

皇明詞林人物考姓氏卷之一

劉文成

基

宋文憲

濂

陶主敬

安

桂彥良

德稱

胡仲申

翰

詹文安

同

顧仲瑛

瑛

楊廉夫

維楨

高季迪

啓

楊孟載

基

張來儀

羽

徐幼文

賁

孫仲衍

蕢

王彥舉

佐

黃庸之

哲

李仲修

德

林子羽

鴻

浦長源

源

趙景哲

迪

藍明之

澗

袁景文

凱

高彥恢

棟

倪元鎮

瓚

吳主一

志淳

陶中立

凱

劉子高

崧

劉以行

彥昂

胡文穆

廣

吳伯宗

卷之二

宋文恪

訥

王孟敷

儒

張志道

以寧

唐處敬

肅

郭參軍

子章

王忠文

禕

王達善

達

姚廣孝

道衍

胡忠安

淡

劉季箎

昭

虞伯益

謙

梁用之

潛

鄧士齊

林

唐亨仲

泰

鄭孟宣

定

方希直

孝孺

練子寧

安

汪朝宗

廣洋

許士修

君繼

解大紳

縉

陳景明

王中美

褒

孫伯融

炎

瞿宗吉

祐

劉汝弼

仔肩

劉孟熙

績

陳公甫

獻章

楊文貞

士奇

曾襄敏

際

魏文靖

驥

王安中

恭

周微之

玄

黃玄之

玄

李昌祺

禎

聶壽卿

大年

夏仲昭

景

于肅愍

謙

李文達

賢

劉文安

定之

徐武功

有貞

吳文恪

訥

周文安

洪謨

卞華伯

榮

葉文莊

盛

卷之三

商文毅

輅

郭定襄

登

岳文肅

正

王襄敏

越

何文肅

喬新

丘文莊

濬

李文正

東陽

謝文肅

鐸

謝文卿

璿

羅文毅

倫

章文懿

懋

程克勤

敏政

莊孔暘

景

張汝弼

弼

吳文定

寬

王文恪

鏊

林待用

俊

儲文懿

燿

羅文肅

玘

王文莊

鴻儒

王渭南

鴻漸

偶吏目桓

殷教授奎

湯公

貞

倪文僖

謙

倪文毅

岳

董士昂

軒

邵文莊

寶

王應韶

雲鳳

文隱

璠

夏德樹

鏃

喬希大

宇

卷之四

史明古

鑑

陸文量

容

錢時欽

福

靳文僖

貴

毛文簡

澄

何文簡

孟春

薛平甫

格

李獻吉

夢陽

李伯材

枝

王敬夫

九思

邊廷實

貢

劉希尹

天民

孫太初

一元

趙叔鳴

鶴

熊士選

卓

顧華玉

璘

顧英玉

璵

許彥明

隆

倫伯疇

文叙

許廷美

讚

許廷綸

詰

王麒

滕子冲

霄

唐子畏

寅

王文成

守仁

桑民懌

悅

張光世

鳳翔

朱升之

應登

劉士亨

泰

馬浩瀾

洪

張靜之

寧

魯振之

鐸

康德涵

海

何粹夫

塘

王子衡

廷相

卷之五

何仲默

景明

王錦夫

尚綱

顧文康

昂臣

董文玉

玘

崔文敏

銑

張文定

邦奇

魏恭簡

校

田勤父

汝籽

湛文簡

若水

顧惟賢

應祥

黃勉之

省曾

陸子淵

深

穆文簡

孔暉

王欽佩

韋

徐昌穀

禎卿

鄭繼之

善夫

栗仁甫

應麟

王履吉

寵

殷近夫

雲霄

孟望之

洋

左舜齊

國璣

張仲脩

士隆

祝希哲

允明

楊名父

子器

陳子虛

昌積

王希範

洪

劉欽謨

昌

張節之

和

孫汝宗

紹先

李貞伯

應禎

呂仲木

柵

景伯時

賜

毛汝厲

伯溫

邵康僖

銳

韓汝慶

邦靖

胡世甫

續宗

方時舉

鵬

方改亭

鳳

戴仲鵬

冠

卷之六

唐文襄

龍

劉清惠

麟

方思道

豪

鄒謙之

守益

楊用修

慎

張愈光

含

王純甫

道

常明卿

倫

霍文敏

韜

薛君采

蕙

蔣子雲

山卿

李川父

濂

倫彥式

以訓

王舜夫

諷

王稚欽

廷陳

顏木

舒國裳芬

崔來鳳桐

馬文簡汝驥

許東侯山魯

凌時東震

胡承之傳

陳宗魯沂

夏公謹言

嚴惟中嵩

吳維新鼎

許伯台相卿

朱子文豹

敖子發英

童士疇承敘

黃文裕佐

張文肅治

李時言默

周天保祚

鄒襄惠守愚

杜研岡栴

王繩武同祖

張補之袞

薛應登甲

張允清寰

包子木梧

卷之七

李懋欽

舜臣

徐文貞

附

姚維東

涑

謝子象

承舉

劉叔正

隅

李元夫

仁

張拱辰

文宿

高子業

叔嗣

張惟靜

時徹

金子坤

大輿

豐存禮

坊

文徵仲

壁

趙景仁

時春

屠文升

應垓

袁永之

袞

陸子餘

榮

華子潛

察

馮子仁

恩

田叔禾

汝成

田子藝

藝衡

歐陽莊簡

德

唐子鎮

樞

王汝化

格

高伯宗

岱

樊少南

鵬

蔡九達

羽

江于順

以

汪崇周

文盛

蘇允吉

祐

蘇子川

濂

劉廷美

珏

沈啓南

周

沈子羽

翰

羅文恭

洪先

唐應德

順之

任少海

瀚

胡汝茂

松

項遷之

喬

陳約之

東

卷之八

沈舜臣

愷

吳純叔

子孝

呂山甫

高

皇甫子循

汴

李伯華

開先

靳子愚

學顏

鄭端簡

曉

皇甫子安

洵

皇甫子約

濂

王道思

慎中

蔡子木

汝楠

閔師望

如霖

雷必進

禮

俞汝成

憲

孔汝錫

天胤

許子春

應元

包无達

節

莫子良

如忠

王子新

逢元

許仲貽

穀

金子有

大車

孫文恪

陞

趙文肅

貞吉

劉子素

繪

劉玄子

黃棠

主懋中

立道

尹崇基

臺

薛仲常

應旂

施平叔

峻

張子成

蒙訓

陳羽伯

鳳

黎惟敬

民表

歐楨伯

大任

駱質甫

文盛

王允寧

維慎

李子升

遷

王子裕

問

喻中甫

時

茅邦獻

璿

吳峻伯

維嶽

陸子傳

師道

喬景叔

世寧

卷之九

章道華

美中

陳子兼

奎

鄭元侍

廷鵠

楊虛卿

載鳴

楊君謙

循吉

都玄敬

穆

陸鼎儀

鉞

王祿之

穀祥

彭孔嘉

年

王履約

守

王庭

茅順甫

坤

高文中

應冕

馮汝強

惟健

馮汝行

惟敏

馮汝言

惟訥

侯舜舉

一元

陳敬甫

堯

陳建

凌季默

約言

嚴文靖

訥

劉介夫

節

洪舜臣

朝選

李少偕

時行

瞿文懿

景淳

朱子价

日藩

李于鱗

攀龍

許殿卿

邦才

周叔夜

思兼

汪伯玉

道昆

李伯承

先芳

張太岳

居正

林貞恒

濂

王元美

世貞

宗子相

臣

吳明卿

國倫

謝茂秦

榛

卷之十

徐子與

中行

張子畏

四知

董元漢

傳策

徐叔明

學謨

李師孟

淑

梁公實

有譽

陸道函

束

劉仲修

效祖

張肖甫

佳胤

余德甫

應舉

魏順甫

裳

田深甫

汝棘

吳虎臣

守淮

張助甫

九一

孫仲可

宜

徐伯臣

獻忠

張復亨

天復

陳憲卿

栢

陳玉叔

文燭

施子羽

漸

夏正夫

寅

王僅初

懋明

陶文僖

大臨

胡正甫

直

姚敘卿

汝循

王敬美

世懋

卷之十一

張道卿

祥鸞

李繼仁

宗木

何元朗

良俊

何叔皮

良傳

黃淳父

姬水

徐子仁

霖

文壽承

彭

文休承

嘉

陳子埜

芹

姚元白

淵

姚玄胤

之喬

盛仲交

時泰

金在衡

鸞

葉茂長

芳

康裕卿

從理

王仲房

寅

歸熙甫

有光

袁魯望

尊尼

沈子源

淵

李維明

逢陽

楊道南

希淳

沈幼貞

懋孝

習豫南

孔敬

蔣伯孝

秋忠

沈道立

位

張心父

士瀾

陳九臯

鶴

呂中甫

時臣

劉石孔

連

張子言

詩

盧少楸

楠

梁伯龍

辰魚

沈嘉則

明臣

莫公遠

叔明

余仲蔚

允文

朱邦憲

察卿

莫廷韓

雲卿

張玄超

之象

董子元

宜陽

李元薦

豫亨

徐長孺

益孫

卷之十二

宋應元

登春

童子鳴

珮

徐文長

渭

顧季狂

聖之

鄭虛舟

若庸

彭稚修

翼

沈君典

懋學

周公瑕

天球

居士貞

節

王叔承

光胤

胡茂承

岳松

楊貞復

起元

莊梅谷

履豐

張惟守

文介

黃德卿

道月

王伯固

一鳴

寇巨源

學海

凌以棟

稚隆

凌玄旻

湛初

李惟寅

言恭

詞林人物考姓氏補遺

張亨父

泰

黃孔昭

克晦

吳子玉

瑞穀

劉子威

鳳

魏季朗

學禮

沈子由

啓

陳公獻

璋

楊伯翼

承鯤

柴仲初

顧行之

聞

顧山父

孟林

張恭懿

瀚

張孟獨

治道

馬汝仕

世登

胡元瑞

應麟

黃懋忠

洪憲

董伯念

嗣成
王父份

徐惟和

燭

金玄朗

朗

黃白仲

之璧

鄔汝翼

佐卿
父紳

陳大聲

鐸

胡懋禮

汝嘉

金元玉

琮

黃首卿

甲

葉化甫

春及

何震川

洛文

王師竹

祖嫡

帥惟審

機

劉長欽

紹恤

沈純甫

鍊

王明甫

道行

蕭以占

良有

蘇平仲

伯衡

江民瑛

瓊

江民璞

珍

朱明虹

孟震

艾熙亭

穆

魏崑溟

允中

廖鳴吾

道南

劉晉初

昂

殷文通

士儋

顧有終

伯謙

楊文懿

守陳

劉元定

啓周

孔願之

皇明詞林人物考卷之一

楚麻城王兆雲元禎輯著

豫順陽李 蔭褶燉閱訂

劉文成

公名基字伯溫浙之青田人元末舉進士授江西高安縣丞揭文安公見而奇之曰此魏徵之流而英特過之將來濟時器也寓燕京時書肆有天文書一帙因盡閱之翼日卽背誦如流其人大驚欲以書授基基曰已在吾胸中矣無事

于書也江西行省辟爲掾史議事不合去復爲
浙江儒學副提舉上書言御史失職事寢不行
遂投劾去嘗遊西湖有異雲起西北光映湖水
中同遊者皆以爲慶雲將分韻賦詩基獨縱飲
不顧大言曰此天子氣也應在金陵十年後有
王者起其下我當輔之時臨安全盛諸公大駭
以爲狂且曰是欲累我族滅也悉避走基獨痛
飲而罷時人莫測也惟西蜀趙天澤奇之以爲
諸葛孔明復出方國瓌反省憲復辟爲行省都

事屢授處州路總官府判無何棄官屏居青田
山中著郁離子以自見客曰今天下擾擾以公
之才略據括蒼屏金華明越可折簡而定方氏
將浮海以避公矣因畫江守之此勾踐之業也
基曰吾嘗惡方國珎張士誠輩所爲今若此何
以異彼耶天命將有歸子姑待之 高皇帝之
下金華定括蒼也基指乾象謂所親曰此天命
也豈人力能之耶遂決計趨金陵而總制官孫
炎適以上命來聘遂間道詣金陵陳時務十

言才ノ外ニ一
八策僞漢陳友諒入寇獻計者或謀以城降或以鍾山有王氣請奔據之或欲決死一戰不勝而走未晚也基獨張目不言 上召基入內基奮曰先斬議降及奔鍾山者乃可破賊爾 上曰先生計將安出基曰如臣之計莫若傾府庫開至誠以固士心伏兵龍灣伺隙擊之取威制敵以成王業在此舉也乃用基策乘東風發伏擊之大敗陳軍 上以克敵之賞賞基基悉辭不受元旦中書省設御座將奉小明王行慶賀

禮基大怒罵曰彼牧豎耳奉之何爲不拜因極
陳天命所在上大感悟遂定征討之計攻皖
城不拔基請徑取江州上悉軍而西友諒走
湖廣拔江州上使宋國公馮勝攻皖命基授
方略基書片紙授之令夜半出兵至某所見某
方青雲起卽伏兵頃有黑雲起是賊伏也慎勿
妄動日中後黑雲漸薄與青雲接者此賊歸也
卽銜枚躡其後疾擊之可盡擒也衆初未信夜
半至某所果有雲起如基言竟擒賊而還遂拔

皖城洪都守將胡均美使其子納降請禁止若
干事 上初有難色基自後踢所坐胡床 上
悟許之均美以洪都降母富夫人喪辭歸時苗
軍反金華括蒼殺守將胡大海孫炎等衢州守
將夏毅恆擾莫知所爲或謀翻城以應賊會基
至迎入城一夕定之卽移書金處屬縣諭以固
守遂同諸軍克復處州擒苗師方國珣素畏基
名數遣人致書問基不敢受遣人白之 上令
基與通問因宣示國家威德國珣遂納土入貢

赴京道嚴州適張軍寇嚴州岐陽王欲奮擊之
基使勿擊曰不出三日賊當自走追而擊之此
成擒耳比三日基登城望之曰賊走矣衆見賊
壁壘旗幟如故且鼓聲戒嚴疑莫敢輕動基趨
使疾進兵至則皆空壘鼓擊者乃所掠老弱耳
窮追至東陽悉擒之基旣至金陵時陳友諒據
湖廣張士誠據浙西衆以蘇湖地肥饒欲先取
之基曰士誠自守虜耳友諒居上流且名號不
正宜先伐之陳滅取張如囊中物耳時友諒復

寇洪都

上親征友諒大戰彭蠡湖勝負未決

基密請移軍湖口期以金木相犯日決勝上

從之友諒死荆湖平

上還京定計取士誠因

定中原拓地西北基密謀居多

上或時至基

所屏人語移時乃去雖至親密莫聞也拜太令

史一日見日中有黑子奏曰東南當失一大將

時叅軍胡琛伐閩果敗歿他日基見

上方欲

刑人基曰何爲

上語以所夢基曰是衆字頭

上有血以土傳之得土得衆之象也應在得

時三日當有報至

上乃畱所欲刑人三日後

海寧以城降捷至

上大喜悉以所畱人命基

縱之

上嘗以事責丞相李善長憲使凌悅因

彈之基言李公舊勲且能輯和諸將

上曰是

數欲害汝汝乃爲之地也汝之忠勲足以任此

基叩頭曰是如易柱必得大木然後可若束小

木爲之將速顛覆以天下之廣宜求大木勝彼

者如臣駑鈍尤不可爾怒遂解洪武元年上

卽皇帝位基密奏立軍衛法拜御史臺中丞中

丞張溢奏定處州七縣稅糧上特命青田縣

止科五合且曰使劉伯溫鄉里子孫世世爲美

談也上幸鳳陽基居守請于上曰宋元以

來寬縱日久當使紀綱振肅而後惠政可施也

乃命憲司糾察諸道彈劾無所避基案劾中書

省都事李彬不法事罪當死而丞相李善長素

愛彬請緩其事不聽馳奏行在上從基處彬

死刑由是大忤李公上還京師李公愬之基

乃乞歸上問基何言基因奏曰鳳陽雖帝

鄉然非建都之地王保保雖可取然未易輕也
後定西失利王保保竟走沙漠上手詔叙基
勲伐召至京師累欲進基爵基曰陛下乃天
授臣何敢貪天之功固辭不敢當上欲相楊
憲基素善憲以爲不可上恠之基曰憲有相
才而無相器夫宰相者持心如水以義理爲權
衡而已無與者也今憲不然能無敗乎上曰
汪廣洋何如基曰此褊淺觀其人可知然則胡
惟庸何如基曰此小獷耳將僨轅而破犁矣三

言
年授弘文館學士進封誠意伯四年歸老鄉里

上嘗以手書問天象事基悉條答大略言霜雪之後必有陽春今國威已立自宜少濟以寬書奏悉以付史館尋入朝八年疾作命馳驛歸薨于家先是楊憲敗汪廣洋繼之尋貶廣洋乃相惟庸基大感語人曰使吾言不驗蒼生之福也吾言而驗其如蒼生何遂憂憤成疾死之前數日以天文書授長子璉使上之且戒勿習復命其仲子璟曰胡惟庸必敗我欲奉遺表亡益

也他日 上必思我如有問當爲我密奏之其
略以爲修德省刑祈天永命之本也政之寬猛
如循環然諸形勝要害之地宜與京師聲勢相
聯絡幸 聖主畱意及後胡惟庸竟以謀逆族
誅世以基爲知人公所著有劉誠意伯集寔爲
一代詞壇宗匠之遭逢完美者故首之

宋文憲

公名濂字景濂金華人也少多病稍長好學博
極羣書從吳貞文公萊習古文辭復從遊柳文
肅公貫黃文獻公潛二公皆當代大儒亟稱濂
且自謂弗如也由是文名震海內至正中執政
者薦爲翰林國史編修官固辭入龍門山著書
歲庚子高皇帝遣使者樊觀走書幣徵濂濂
曰吾聞大亂極而真人生今其時矣遂幡然應
詔入見高皇帝尊禮之語必稱先生而不名

授江南等處儒學提舉奉 旨授皇太子經召

講春秋左氏傳濂進曰春秋乃孔子褒貶善惡

之書苟能遵行則賞罰適中天下可定也改起

居注 上御端門論黃石公三略且口釋之濂

曰尚書二典三謨帝王大經大法靡不畢具願

畱意講明之 上詔丞相李善長歸江西軍中

所掠牛於其民無牛者官給之勿取其租丞相

退 上顧問濂曰適所言事當乎濂對曰民富

則君不至獨貧民貧則君不能獨富捐利于民

實興邦之要道也未幾以疾告還家賜金帛

皇太子致贈有加焉濂上箋謝復奉書 皇太

子勉以孝友敬恭進德修業以副天下之望

上覽書甚善召 皇太子語以書意且賜書荅

尋丁父憂洪武二年詔徵濂總脩元史除翰林

院學士知制誥兼脩國史時甘露屢降 上問

災祥之故對曰受命不于天于其人休符不于

祥于其仁是以春秋書異不書祥爲是故也

上嘗言古之帝王當晏安之餘多好神仙以朕

言之使國治民安心神怡康卽神仙也對曰漢武好神仙而方士至梁武好佛而異僧集使移此心以求賢天下其有不治乎 上嘗祀方丘患心不寧濂進曰孟軻有言養心莫善于寡欲審能行之心清而身泰矣 上稱善者久之三年遷國子司業四年授安遠縣知縣五年召還授禮部主事遷太子贊善大夫 上問帝王之學何書最要濂請觀真德秀大學衍義 上覽而悅之令左右大書揭之兩廡壁時時諦觀之

六年

上御西廡大臣皆侍坐

上指衍義中

司馬遷論黃老事命濂講析俾在坐者聽之濂
既如詔復進曰漢武好神仙之學喜四夷之功
民力既竭嚴刑以震服之臣以爲人主能以義
理養心則邪說不能入興學校教民則禍亂無
由作矣刑罰非所先也 上嘗語濂曰朕之爲
君上畏天下畏兆民兢兢業業不敢自逸濂
對曰 陛下此心古先哲王之心也書曰予臨
兆民凜乎若朽索之御六馬爲人上者奈何不

敬願 陛下慎終如始天下幸甚 上御齋室
問三代曆數封疆之修短廣狹濂歷言之且曰
三代之治天下也以仁義故歷年多後世莫及
進翰林侍講學士奉 詔作辨姦錄祖訓成命
濂序之 上嘗問曰三代以上所讀何書對曰
上古載籍未立人尚躬行君人者兼治教之責
躬行以率之天下有弗化者乎 詔纂修大明
日曆一百卷擇其大者爲寶訓五卷濂總裁其
事朝夕禁中濂在朝久凡郊社宗廟山川百神

之典朝享宴慶禮樂律曆衣冠之制四夷朝貢
賞賚之儀及勲臣名卿功德之文承上意旨
論次紀述咸可傳于後世在上前所陳說必
以誠雖家事苟有問亦一一道之曰君猶父也
天也其可欺邪上嘗問濂昨日飲酒否坐客
爲誰羞爲何物悉以其人及膳羞以對上
笑曰誠如卿言卿飲時朕潜使人視卿卿真不
欺久之益親信濂欲使叅大政濂辭曰臣少無
他長惟文墨是攻今幸得待罪禁近足矣不願

居職任也 上愈厚之每燕見必命坐賜茶每旦令侍膳訪詢舊章講求政理或夜分乃退召問廷臣臧否第言其善者復問否者爲誰濂曰其善者與臣交臣故知之其否者縱有之臣不知也卒無所毀或命賦詩爲文必寓忠告奉制詠鷹七步而成有自古戒禽荒之語 上曰卿可謂善諫矣濂畏慎凡禁中語絕不以語人署溫樹二字於所居之壁有以禁中事問者卽指以示之 上嘗與濂飲濂辭強之至三觴面如

赭行不成步 上大歡笑自製楚辭一章以賜
命侍臣咸賦醉學士歌且曰使後世知君臣同
樂若此也甘露降 上召濂賜坐躬執金杓煉
湯於鼎以甘露投之手注于卮以賜濂曰此和
氣所凝能愈疾延年故與卿共之耳九年拜翰
林學士 上謂濂曰朕以布衣爲天子卿不起
草萊列侍從爲開國文臣之首使世世與國同
休不亦美乎詔徵濂之孫慎爲殿廷儀禮司班
尋拜中子璲爲中書舍人 上時試璲與慎而

訓戒之 上笑語濂曰卿爲朕教太子諸王朕
爲卿教子孫濂頓首謝濂或奏事久稱倦 上
命璲慎共掖扶下殿三世官內廷人以爲榮復
以濂行步艱詔 皇太子選良馬以賜親作馬
歌詔羣臣咸作之以寵焉 上嘗廷譽言曰古
之人太上爲聖其次爲賢其次爲君子若宋景
濂者事朕十有九年未嘗有一言之僞誚一人
之短寵辱不驚始終無異其君子者乎非止君
子抑可謂賢矣十年冬致仕將歸賜御製文集

及綺帛 上曰朕最愼賞嘉卿忠誠可貫金石

故以是賜卿卿今年幾何矣對曰六十有八

上曰藏此綺俟三十二年後作百歲衣也濂叩

首謝至家拜表稱謝上箋 皇太子論正心治

國之要 上賜詔褒答焉初濂辭歸請歲一來

朝明年秋入朝 上佇想已久廷問者數矣及

至大喜 皇太子諸王皆動色相賀 上降勅

符遣儀曹賜醪膳諸物日侍遊歷觀闕盤旋禁

籓侍食便殿日晏始退 上嘆曰純臣哉爾濂

方今四夷皆知卿名卿其自愛濂避謝不敢當
歲暮辭歸復遣中貴人賜上尊旣行數日上
語璲曰朕疇昔之夜夢見爾父笑談如平生爾
父雖去其容儀儼然在朕目中也璲謝曰非

陛下過念臣父何以形諸夢寐濂方入朝朝之
百執事惟恐濂之弗畱也下至寺人衛卒咸以
手加額相推排迎拜爭先覩濂蠻夷朝貢者數
問濂安否高句麗安南使者至購文集不啻拱
壁日本得潛溪集刻板國中其使者奉勅請文

以百金爲獻弗受 上以問濂對曰天朝侍從

之官而受小夷金非所以崇國體也 上深然

之濂之學無所不窺而尤以篤行爲尚嘗曰古

之學者使心正身脩措之行事俯仰無愧而已

繁辭複說道之蔽也篤于人倫好接引後學惟

恐弗及遠方來者授館而飲食之久而不衰遇

人拜雖三尺童子必屈膝以答至王公貴人曾

不少降下一候其門朝廷有大議授古今辨說

侃侃不回平居布衣蔬食無異貧士不事產業

言木ノ朱力 卷一
自少至老手不廢書及歸青蘿山閉戶纂述人
罕窺其面視近甚明能一黍上作十餘字十三
年以愼獲罪安置茂州卒于夔謚文憲所著有
潛溪集四十卷蘿山集五卷龍門子三卷浦陽
人物記二卷翰苑集四十卷芝園集四十卷行
于世

陶主敬

公名安字主敬太平當塗人也元末舉浙江鄉試授明道書院山長調高卽書院避亂家居高皇帝渡江取太平安與李習等出迎安見

上狀貌謂習等曰龍姿鳳質非常人也我輩今有主矣上召安與語時事安因獻言曰方今四海鼎沸豪傑竝爭攻城屠邑互相雄長然其志皆在子女玉帛取快一時非有撥亂救民安天下之心明公率衆渡江神武不殺人心悅

服以此順天應人而行弔伐天下不足平也
上曰足下之言甚善吾欲取金陵何如安曰金
陵古帝王之都龍蟠虎踞限以長江之險若取
而有之據其形勝出以臨四方則何何不克

上大喜授安元帥府令史從克金陵轉行省都
事拜左司員外郎中 上旣得劉基宋濂章溢

葉琛四人因問安四人者何如對曰臣略謀不
及劉基學問不及宋濂治民之才不如章溢葉
琛 上多其善讓克武昌命安知黃州輕徭薄

稅民咸悅服改桐城令移知饒州時方征伐

三

軍需安勸諭其民民皆樂輸信州盜蕭明攻饒
安率吏民拒守援兵至賊敗走諸將以鄉民多
從賊欲屠之安曰爲賊所脇耳奈何殺之由是
民皆得全 上嘉其功賜詩褒美焉安入朝饒
州人歌之曰千里榛蕪侯來之初萬姓耕闢侯
去之日旣而命復守饒州饒人復歌之曰湖水
悠悠侯澤之流湖水有塞我思侯德建生祠尸
祝之吳元年初置翰林院首召安爲學士時方

召四方宿儒集闕下議禮命安總之修律令安
爲議律官洪武元年安與劉基言於上曰聞
將倣元制設中書令以太子爲之上言取法
於古必擇其善者而從之元制豈足法太子宜
尊禮師傅博通古今他日軍國重務皆令啓聞
何必效彼作中書令乎因選大臣勲德者兼東
官官職上嘗御東閣安與章溢等侍因論前
代興亡上曰喪亂之源于驕佚大抵居高
位者易驕處逸樂者易侈如此者未有不亡

日聞卿等論此深有傲于予心古者今之鑑豈不信歟上與儒臣論學術安對曰道之不明邪說害之也上曰邪說之害道猶美味之悅口美色之眩目鮮不爲所惑邪說不去則正道不興天下烏得而治女曰陛下所言深探其本安與省臣李善長等進郊社宗廟議請分祭天地於南北郊冬至祀上帝于圜丘以大明夜明星辰太歲從祀夏至祀地祇于方丘以嶽鎮海瀆從祀宗廟則四代各爲一廟皆南向以四

孟及歲除凡五享孟春特祭於太廟孟夏孟秋
孟冬歲除則合祭于高祖廟社稷則宜祭以仲
春仲秋上戊日皆從之安復奏古者天子大社
必受霜露風雨以達天地之氣若亾國之社則
屋之不受天陽也今創屋非禮若祭而遇風雨
則於齋宮望祭 上是之復奏議冕服之制凡
國家制度禮文多安所定擬 上嘗製對賜安
曰國家謀略無雙士翰苑文章第一家時有御
史言安隱過 上曰朕素知安安寧有此且爾

何由知之對曰聞之道路 上曰御史但以
路之言以毀譽人邪命黜御史尋拜安江西行
省叅政卒于官安博學尤精于易筮驗如神所
著有文集若干卷行于世

桂彥良

桂德稱字彥良以字行中鄉貢不得志於南宮
歸長包山再長高節皆有文名除平江路文學
掾不就方氏連甌越來辟立謝之聚徒山中洪
武紀元觀風者以名上省憲交辟不起六年大
徵天下士行省復以名聞待詔公車厠于數千
之列唯彥良以白衣賜宴除皇太子正字侍
講六年東宮深器之會文華堂給事不節勅彥
良啓廸曰昔許魯齋諸生多爲宰輔卿其勉之

及侍宴以御製勅訂正以聞諮以治道彥良
曰道在心心不正則好惡頗好惡頗則賞罰差
賞罰差則太平未有期也是以君人將忿欲是
去明年日南至有事於圓丘以祝文譴主者彥
良曰予小子履湯用於郊我將我享武歌于廟
以古率今未足深譴上咲曰卿動援經史屢
聞獻替稱善久之嘗有以墨敗官者賜死彥良
力諫如律不聽彥良曰三尺法當與天下守之
上額之滋欲試以事以三府疑獄命之讞以

情原者若干人翰林以失議見呵彥良奏當取
長略短 上曰不然吾因其長而拔其短以造
其全時方以法繩下訪曰法數行而數犯奈何
對曰用德則佚用法則勞勞以靖民則民勞而
弗靖德以靖民則民靖於德矣它日與林溫同
侍 上曰卿何官乎曰正字 上曰卿帝者師
也其爲 上所屬類如此十一年除晉相府右
傳授通奉大夫內出勅文以孔孟期之彥良謂
王者一正心而國定因進心圖以明之十三年

詞林人物考

卷一

十一

革相府改長史授奉政大夫以疾謝 詔許之
十五年朝京師上太平十二策奏報十八年勅
歸鄉里彥良處官若家不以貧富動心仕止進
退不亟不紆與人交命觴咏詩蹕厲風出窮日
夕不厭人以春風和氣目之其著作有和陶集
春和集清溪集知足集凡若干卷

胡仲申

先生名翰字仲申金華人自幼聰睿一日道中拾鏹若干緡不敢去坐俟遺者而還焉父奇之益督以學遊學浦陽博覽經史又登許文懿公門南北士皆願與交以所著文進之文獻黃公待制柳公皆稱許不容口有勸之仕輒辭過廣川吊董生謁曲阜拜孔子墓而歸當世名公多所交接惟武威余公闕宣城貢公師泰號知己遭時多虞四方兵起避地南華山中著書自樂

高皇帝駐兵金陵聘先生會有以金華民籍
田出兵者先生曰金華民素儒不習軍旅藉以
爲兵徒費廩粟爾上可其奏授衢州教授洪
武乙酉奉旨纂脩元史賜白金文幣以歸素嗜
山水泉石晚歲卜居三洞之上幅巾短杖徜徉
終日焉所著有春秋集義胡仲子集長山先生
集吳沈稱其文簡潔清峻高出于人暮年請文
者踵門不苟隨也

詹文安

公名同字同文徽州新安人元舉茂才官至學士兼御史甲辰兵下武昌見上授國子博士陞郎中丙午爲起居注上命有司訪求遺書因謂公曰三皇五帝之書不盡傳于世漢武帝購遺書表章六經有功於後世吾每宮中無事輒觀孔子之言如節用愛人使民以時真治國之良規吳元年上諭公等曰國史貴直筆是非善惡昔唐太宗觀史雖失大體然命直書建

成事是欲以公天下也予平日言行是非善惡
汝等皆當直書使後世觀之不失其實是年自
翰林待制遷直學士明年陞侍讀學士上嘗
諭公曰古人文章明道德通世務如典謨之言
皆明白易知無深怪險僻之語孔明出師表亦
何嘗雕刻爲文而誠意溢出至今使人誦之自
然忠義感激近世之士辭雖艱深意實淺近即
使過於相如楊雄何裨實用自今翰林爲文但
取通道術達時務者無事浮藻洪武四年陞吏

郭尚書六年爲翰林學士承旨兼吏部尚書上
言 陛下起兵渡江以來征討平定之蹟禮樂
治道之詳雖有紀載尚未成書乞編大明日曆
藏之金匱傳於後世 上從之命公祖學士宋
訥爲總裁官七年五月書成自 上起兵臨濠
至六年癸丑冬十二月凡征伐次第禮樂沿革
刑政設施羣臣功過四夷朝貢之類莫不具載
爲一百卷藏金匱副在秘書監公及宋訥又言
日曆藏之天府人欲見之有不可得臣請如唐

太宗貞觀政要分類更輯聖政爲書以傳天下
後世上從之分四十類自敬天至制蠻夷凡
五卷名皇明寶訓自後凡有聖政史官日紀錄
之隨類增入尋致仕未幾復爲學士卒

顧仲瑛

顧瑛字仲瑛崑山人少豪俠自喜年三十始折
節讀書才藻敏麗談笑輒成篇章輕財好施予
招致賓客慕戰國田文之爲人亭臺樓榭環匝
園池據林臯之勝處其館者人人自以爲得愜
其心書畫彝鼎秘玩與餽秣聲伎豐美侈溢度
孟嘗或未之有也仲瑛材局意氣雄槩一時志
欲有爲而元政不綱再辟不就故托於景物詩
儔以自適焉張士誠入吳遂隱樵李之合溪洪

武初隨其子遷臨濠卒葬于吳其小像首戴一笠自贊云儒衣僧帽道人鞋到處青山骨可埋遙憶少年豪俠興五陵裘馬洛陽街讀之想見其曠達豪爽

楊廉夫

楊維禎字廉夫會稽人爲元進士仕奉訓大夫
提舉建德路總管嘗策蹇視事江南德之歷陞
江西等處儒學提舉會洪武一統應聘修史抵
京僅百日遂謝病還雲間後臨革撰歸全堂記
投筆曰九華伯招我當往及逝聞空中百人步
履聲詎不怪哉張外史天雨叙廉夫集云今代
善用吳才老韻書以古語駕御之惟李季和楊
廉夫稱作者廉夫上法漢魏出入李唐其古樂

言木ノ物ノ一 卷一
府有曠世金石之聲宋文憲公景濂亦稱鐵崖
君聲光殷殷摩戛霄漢吳越名士競歸之比東
海倪元鎮崑山顧仲瑛雲丘張仲簡吳興鄧九
成皆其客也廉夫之跡頗類陶靖節讀其買妾
云買妾千黃金許身不許心使君自有婦夜夜
白頭吟則其不百日引去者所指微矣至俠客
詞云太阿飛出匣欲取賈充頭又夜宿倡樓酒
未醒飄風吹落鴛鴦瓦何其雄偉豪邁耶

高季迪

公名啓字季迪別號槎軒吳郡長洲人也少聰穎有縱橫才而好爲歌詩天藻秀發始變元體首倡明初之音直接開元大曆而不能盡去劉白之習者小爲才使耳元末張士誠竊吳自王而其上佐饒介之多羅致文學知名士爲幕客第其篇咏奉金帛爲壽公恒首冠然不肯臣士誠至高皇帝即位召脩元史授翰林院編脩史成特拜戶部侍郎公以少不習握筭辭詔

賈鎰金使歸需異日用公歸教鄉里自給時魏
觀自太常卿奉 璽書守郡賢才而禮之欲徙
郡治成乞公文上梁衛帥誣公徙治爲有異志
公亦逮罹大辟時年三十九聞者莫不惜之所
著有文集若干卷金鳴集若干卷如長門怨云
君明猶不察妬極是情深薊門行云中國多荒
土窮邊何用開少年行云寶刀不敢輕輸卻明
日沙場欲報恩猛虎行云猛虎雖猛猶可喜橫
行只在深山裏郊野云僧來雙屐雨漁臥一船

霜秋興云梁寺鐘來殘月落漢宮砧斷早鴻過
寒山寺云船裏鐘催行客起塔中燈照遠僧歸
佳在實境得句足以嗣響盛唐宛如霜隼摩空
風翮健捷卮言云季迪如射鵰胡兒伉捷急利
往往命中集中諸作如咸關月落聽雞度華嶽
雲開立馬看兵馳空壁三千幟客宴高堂十萬
錢松風吹壁鶴鴿墮梅雨過溪魚子生簾外鐘
來初月上燈前角斷忽霜飛各臻高妙不能悉
錄

國初詩人季廸當冠卷首選 明詩者往往皆

然茲因友人謂季廸以文崇身曾見罪 高皇

帝未敢居首惟劉文成出處始終完美是以首

之

楊孟載

張來儀

徐幼文

楊基字孟載洪武中起家大官署令累遷按察
適歸卒所著有眉庵集公才長逸蕩興多雋永
且格高韻勝渾然無迹如挂劍臺江村郊居岳
陽樓過豐城無題諸作全篇幽暢方之錢劉或
未迨元白斯有餘七言如六朝舊恨斜陽裏南
浦新愁細雨中又髣髴唐中興語矣

張羽字來儀烏程人累官翰林待制太常寺丞
所著有靜居集公體裁精密情喻幽深頗似錢

言才ノ名ヲ一
郎其送僧還日本云杖錫去隨緣鄉山在日邊
徧參東土法頓悟上乘禪呪水歸龍鉢翻經避
浪船本來無去住相別與潜然字字沈著至遊
山寺句有松老知僧臘禪空悟佛心或譏其剽
竊韓翃僧臘禪心語也昔子卿有明月照高樓
想見餘光輝子美有落月照屋梁猶疑見顏色
庾信有落花與紫葢齊飛楊柳共青旗一色王
勃即方齊飛一色成句不以爲病今來儀用老

知空

虛字轉妙

徐賁字幼文長洲人累官廣東左布政所著有
徐幼文集公詞彩道麗風韻淒朗殆如楚客叢
蘭湘君芳杜每多惆悵皋亭山作全佳處當似
耿漳嘗有折蓮子絕句云柔絲雲落芳心苦未
及秋風已斷腸讀之頗增悲慨集中有送曾伯
滋赴西河將幕云上將初分閫儒官解習兵風
旗春獵野雪帳夜歸營洮水從岷下祁山入隴
平知公能載筆草檄報邊聲中二聯竝佳亦足
入選特起句不切幕職惜之

孫仲衍

王彥舉

黃庸之

李仲脩

國初有吳中四傑名最著高楊張徐是也又有
廣中四傑爲孫仲衍黃王彥舉佐黃庸之哲李
仲脩德名不甚傳近見南粵刻有五先生集乃
以汪右丞曾宦其地冠諸首廣洋淮南高郵人
也似涉牽綴當另梓汪集而于孫王四公則彙
爲廣中四傑集可也孫黃李系俱南海王雖河
東而隨父籍南海則爲廣人亦無疑矣孫號西

言林外傳卷一
菴洪武庚戌舉進士嘗爲翰林典籍竟死黨禍
王號聽雨洪武六年徵給事中乞歸而卒黃號
雪蓬建吳時膺薦待制翰林後判東平坐誣誤
置于法李號易菴洪武初以明經薦授洛陽長
史後得請教諭漢陽歸卒于家

林子羽

浦長源

趙景哲

藍明之

又云性之

林公名鴻字子羽閩中人也廬陵劉子高叙其詩窺陳拾遺之間奧駸駸開元之盛風吳興倪桓又擬爲大曆才子以今觀之在國初真足名一家矣嘗開詩社招致海內詞客錫浦舍人源至其家令誦平日所爲詩至雲邊路繞巴山色樹裏河流漢水聲之句始許入社觀其所取其所尚可槩睹矣其詩名鳴盛集

浦源字長源無錫人也仕爲晉府引禮舍人其一鳴驚人者即前二語也信是佳境然它篇亦燁燁可採

趙公名迪字景哲出宋裔生于元季國初首倡詩學與林員外子羽輩齊名

藍澗字性之崇安人也學博才豐自其爲舉子時有兄靜之已馳詩譽伯仲之間頃篋迭奏其後性之棄去舉子業從清碧先生遊得其所聞於句章任士林者於是一洗舊習以少陵爲宗

刻有藍澗詩集公雖元人大明啓運膺公車之
召首獲清選提按廣西

袁景文

公名凱字景文松江人洪武時爲御史以事忤
旨放歸田里已而即其家起爲本郡儒學教授
竟罷歸以卒凱號海叟善爲詩爲國初詩人
之冠有海叟集行世凱嘗以白雁詩得名故又
號袁白雁然凱詩之佳者固不止白雁爾也論
者曰國初之文首金華劉宋而下四傑五先
生輩何其紛紛多士耶然皆元才也傳曰惟楚
有才晉實用之雲龍風虎誠然哉誠然哉逮其

後稍稍衰矣弘正以還其文運邳隆之會也哉

高彥恢

公名棟字彥恢仕名廷禮漫士其號也宋尚書
張鎮之後曾祖麟以出繼高氏祀遂從高姓棟
博學能文尤雄于詩謂詩始漢魏至唐號爲極
盛宋失之理趣元滯于學識而不知由悟以入
自襄城楊士弘始編唐音正始遺響然知之者
尚鮮閩三山林鴻獨倡鳴唐詩其徒黃玄周玄
繼之棟與皆山王恭起長樂頡頏齊名故閩中
推詩人五人而殘膏賸馥沾溉者多黃終於校

官周刑曹員外郎棟與恭竝自布衣入翰林恭
卒除典籍棟爲待詔九年陞典籍平生賦咏流
傳海內有稿曰嘯臺集曰木天清氣集其選唐
詩品彙九十卷拾遺十卷議者服其精博能書
工畫時稱三絕書得漢隸筆法畫原于米南宮
父子出入商高間方壺子畫妙一時初識棟稱
賞不寘曰異時當爲名家在翰苑二十年四方
求詩畫者爭至金帛修餽歲嘗優於祿入善飲
酒喜談謔與人無賢愚待之如一素彊無病

得風眩疾歲輒發無甚苦一日與故人飲極驩
夜分乃寐旦忽眩作弗能言卒

倪元鎮

吳主一

倪雲林名瓚字元鎮生于元季性好潔行亦如之尤好吟咏善畫枯木竹石及山水小幅國初固辭不起人稱高士蓋錫山之先哲也詩畫特其餘耳今閱集幽閒清遠自是隱君子語

吳主一名志淳無爲州人能詩善書嘗仕元不顯遇淞泗兵起徙家豫章國初時與陶主敬

劉伯溫高季迪諸名士竝稱宋潛溪嘗叙其集後鄱陽劉仔肩又嘗選入雅頌正音都太僕亦

有文跋云

陶中立

公名凱字中立臨海人博學善屬文洪武初薦
與修元史選授太子書尋除翰林應奉文字三
年超陞禮部尚書四年請建奉先殿乾清宮左
上日焚香朔望薦新及節序生辰祭用常饌
行家人禮上從之公每議禮與藁城崔亮相
可否亮亦有學識善論奏是歲請選人專任東
宮官罷兼領職庶輔導有所責成上曰古者
不備官惟賢能是用朕以廷臣有才望勲德者

兼東宮官非無謂也嘗慮廷臣與東宮官有不
相能遂成嫌隙或生奸謀離間骨肉其禍非細
若江充事可爲明鑑朕今立法令府省臺官兼
東宮贊輔之職父子一體君臣一心庶幾無相
構之患五年公言漢唐皆有會要記載時政及
起居注記言記事宜令臺省府各置銅匱簿錄

聖旨及時政依會要編類爲書

上從之出

爲湖廣參政致仕八年召爲國子祭酒尋老復
以叅政致仕自稱耐久道人上聞之怒曰何

自賤也尋竟坐罪初牛諒與公同爲禮部尚書
以怠職犧牲不中廢功臣廟不葺降主事尋復
尚書未幾坐不職罷公姿性過人才高學博識
見卓遠爲文千言汨汨不見有艱難意初遊吳
楚文多激慨中更亂離去居深山中授經養親
文多隱約明興應聘而起凡稽古禮文事多公
論定又兼領翰林院事詔令封冊歌頌碑碣時
時命公文章遂盛傳於世

劉子高

劉以行

劉崧字子高 高皇初爲北平按察副使 召拜禮部侍郎遷吏部尚書致仕歸再起權國子司業卒鳳洲筆記云崧詩如雨中素馨亦復嫣然情色俱勝若作寒梅老樹便自風骨其風人之類出皇始之盛家也

劉彥昂字以行鄱陽人事 高帝爲中書典載鳳洲筆記云詩篇峻潔尤多樂府清絕之氣雖可觀淒楚之調爲尤甚二劉惟子高集行於世

言行集尚寥寥也

胡文穆

公名廣字光大廬陵人父子琪洪武初爲御史疏請遷都關中已而出爲按察僉事轉延平知府卒建文二年公以進士第一爲翰林脩撰

長陵入正大統陞侍講尋改侍讀陞右庶子五年進翰林學士兼左春坊大學士十二年十一月進文淵閣大學士仍兼前職又三年得疾且劇上使醫來問疾尋卒贈禮部尚書謚文穆獻陵嗣位加贈少師諭祭厚賜其家遭逢

二聖恩何盛也公居官敬慎在上前承顧問

應對必盡誠必據理而忠厚爲本未嘗及人過
每于制勅視草必具可否以聞多見采納所奏
對語未嘗出口長陵巡幸北京親征北虜公
與楊榮金幼孜扈從信任甚篤禮部郎中周訥
請封禪公力言封禪非禮因上却封禪頌奔母
喪還朝上問百姓安否對曰安但郡縣窮治
建文時奸黨爲民厲遽詔罷之其兼春坊也小
心盡誠多所裨益兩考京畿鄉試四爲廷試讀

卷官鑒別公明奉勅脩 高祖實錄及五經四
書性理大全書皆總裁志在於植名教獎善類
未嘗一比匪人人或毀公 上不之信公處榮
祿未嘗一日忘山林幽澹閒遠之趣公退閉戶
讀書賦詩而已著有見菴集扈從集若干卷

吳伯宗

公名伯宗金谿人洪武四年進士第一人時初
開科取士賜袍笏冠帶擢禮部員外郎命與學
士宋訥同修大明日曆胡惟庸方用事欲人附
已公性剛直不肯相屈下惟庸恨之八年惟庸
竟中傷公謫居鳳陽公上書論時政因言惟庸
專恣不法不宜獨在中書恐久之爲國患辭甚
剴切上得奏即召公還賜衣鈔使安南得馴
象方物以歸爲國子助教十二年進講東宮陳

正心誠意之說明年改翰林典籍 上製十題

命賦公援筆立就詞語峻潔 上曰伯宗才子

賜織金錦衣十四年除太常寺丞辭明年改國
子司業又固辭由是忤旨貶陝西金縣學教諭
至淮安召還爲翰林檢討十五年初設殿閣學
士公爲武英殿大學士十六年冬坐弟仲宴爲
三河知縣謬薦人詞連公復爲翰林檢討明年
卒公溫厚詳雅博學能文章所著有南宮使交
成均玉堂集